

2





說郭目錄

身第六十三

吳地記 陸廣微

遊城南注 張禮

北戶雜錄 段公路

湖山勝槩 泗水潛夫





吳地記

唐 陸廣微

韻藻

按史記及吳越春秋自禹治水已後分定九州禹貢揚州之域吳國四至東亘滄溟西連荆郢南括越表北臨大江蓋吳國之本界也今郡在京師東南三百一十九十里當磨竭斗牛之位列婺女星之分野從秦始皇併吞六國之後至漢順帝永建四年有山陰縣人殷重獻策於帝請分江置兩浙詔司空王襲封從錢唐江中分向東為會稽郡向西為吳郡至陳朝

吳地記



貞明元年改爲吳州隋文帝開皇九年改郡邑至橫

山東新立城郭一云隋開皇十年却復舊址升爲望管鄉七鄉一百九十四戶一十四唐武德七年移新州

萬三本作十二當作百六十一稅茶鹽酒等錢六

十九萬二千八百八十五貫七十六文

吳縣九萬九千九百六十三貫七十三本無三字文

長洲縣九萬八千五百七十六貫五百七十六文

嘉興縣一十七萬八千七十六貫一百二十文

崑山縣一十萬九千五百三貫七百三十八文

常熟縣九萬七百五十貫七百七十四本無四字文

華亭縣七萬二千一百八十二貫四百三十一文

海鹽縣四萬六千五百八十一貫五十八文

續添

吳江縣三萬六千二百六十九貫一百文

使司割隸醬菜錢一十萬七千七百二十貫二百

四作四十六作八文

留蘇州軍事醬菜衣糧等錢一十七萬八千三百

四十九貫九十八文當作九百二文

吳地也



團練使軍資等三十

本無十字萬六

當作千八百三十

貫文送納

本無納字

上都

地名甄胃水名通波城號闔閭臺曰姑蘇輿壤千里

是號全吳昔周太王三子長泰伯次仲雍次季歷歷

生子昌有聖瑞太王有疾泰伯仲雍以入山採藥乃

奔吳文身斷髮示不可用以讓季歷子昌立是為西

伯即文王也吳人義泰伯歸之為王泰伯三讓弟仲

雍仲雍立號勾吳

所居地名

卒葬梅里

又名番麗今橫山

而仲雍

立仲雍生季簡季簡生釋達釋達生固章固章卒其

後至壽夢始別築城為宮室於平門西北二里

基址見右

自泰伯至壽夢十九世壽夢生四子長諸樊次餘昧

次季札季札賢壽夢欲立之札讓不可乃立諸樊諸

樊卒吳人固立札札棄室而畊之野乃止封札延陵

季子而餘祭立四年吳使季子行聘諸國餘祭卒授

弟季子讓逃去餘昧之子曰僚立為諸樊之子公子

光所弑在位十三年僚好炙魚非專諸炙不食諸樊

之子光譖以百金令專諸進魚上僚置匕首於炙魚

中刺僚死子光篡立是為闔閭王又令刺客要離袖



吳地記  
三  
劍殺吳公子慶忌卽王僚子也季子歷三年田聞僚  
被殺乃匍匐往其墳號哭於是子光謝過於季子季  
子曰苟先君無廢祀民無廢主社稷有奉乃吾君子  
哀死事生以待天命耳

闔閭城周敬王六年伍子胥築大城周迴四十二里  
三十步小城八里二百六十步陸門八以象天之八  
風水門八以象地之八卦吳都賦云通門二八水道  
六衢是也西閭胥二門南盤蛇二門東婁匠二門北  
齊平二門不開東門者爲絕越之故也

閭門亦號破楚門吳伐楚大軍從此門出陸機詩曰  
閭門勢嵯峩飛閣跨通波又孔子登山望東吳閭門  
歎曰吳門有白氣如練今置曳練坊及望舒坊因此  
胥門本伍子胥宅因名石碑見存出太湖等道水陸  
二路今陸廢門南三里有儲城越疑作吳王貯糧處十

五里有魚城越王養魚處門西五里有越來溪

盤門古作蟠門嘗刻木作蟠龍以此鎮越又云水陸  
相半泓洄屈曲故名盤門又云吳大帝蟠龍故名門  
內有武烈大帝廟在祀典東北二里有後漢破虜將



軍孫堅墳又有討虜將軍孫策墳

蛇門南面有陸無水春申君造以禦越軍在巴地以屬蛇因號蛇門前漢梅福字子真爲南昌尉避王莽亂政稱得仙棄妻子易姓名有人見福隱市卒卽此門也

匠門又名干將門東南水陸二路今陸路廢出海道通大萊泂松江下滬瀆闔閭使干將於此鑄劍材五金之精合五金之英使童女三百人祭爐神鼓橐金銀不銷鐵汁不下其妻莫邪曰鐵汁不下曰有計十

將曰先師歐冶鑄劍之穎不銷親鑠耳以口口成物口口可女人聘爐神當得之莫耶聞語口人爐中鐵汁出遂成二劍雄號干將作龜文雌號莫邪鰻文餘鑄得三千竝號口口文劍干將進雄劍於吳王而藏雌劍時時悲鳴憶其雄也門南三里有葑門赤門有赤欄將軍墳在蛇門東陸無水道故名赤門東南角又有魴鱖門吳曾魴鱖見因號竝非八門之數也婁門本號膠門東南秦時有古膠縣至漢王莽改爲婁縣東南二里有漢吳郡太守朱梁墳本名趙避後漢



和帝諱改爲梁今吳郡朱氏皆梁之後塘北有顧三老墳見存

齊門北通毗陵昔齊景公女聘吳太子終纍闔閭長子夫差兄也齊女喪夫每思家國因號齊門後葬常熟海隅山東南嶺與仲雍固章等墳相近葬畢化白龍冲天而去今號爲母塚墳門東二里有盧江太守

### 關臻墳

門北面有水陸通毗陵子胥平齊大軍從此門出故號平門東北三里有殷賢臣申公巫咸墳亦號巫

門西北二里有吳偏將軍孫武墳西北三里有醬醋城漢劉濞築東北三里有潁川太守陸宏墳

吳縣在望下秦始皇二十六年置漢王莽改秦德縣陳貞明元年後主復爲吳縣隋開皇九年越國公楊素移郡及縣於橫山東五里今復移城內管鄉三十戶三萬 千三百六十一坊三十

吳公子慶忌墳在縣東北三十五里今呼慶墳

步騭墳在縣東北三里騭任吳爲驃騎將軍代陸遜爲丞相有石碑見存臨頓橋西南



周瑜墳在縣東二里瑜字公瑾廬江舒人仕吳大將軍南郡太守美姿貌時年二十四吳中皆呼爲周郎及孫權稱號謂公卿曰非周公瑾不帝矣瑜少精思音樂雖三爵之後樂有闕誤必知之則回顧時人謔曰曲有誤周郎顧

顧野王墳在橫山東平陸地遺言不起墳野王字休倫仕陳武帝爲門下侍郎博綜羣書廣搜經籍撰梁瑞應圖七十卷御覽三百六十卷宮人各念一卷常隨駕行內人謂之着脚御覽

姑蘇臺在吳縣西南三十五里闔閭造經營九年始成其臺高三百丈望見三百里外作九曲路以登之射臺在吳縣橫山安平里

鴨城在吳縣東南二十里匠門外沙里中城東五里有豨墳是吳王畜豨之所東二里有豆園吳王養馬處又有雞陂闔閭置豆園在陂東

織里今織里橋在麗娃鄉俗呼失履橋利娃鄉訛也澹臺湖在吳縣東南十里孔子弟子澹臺滅明字子羽宅陷爲湖湖側有墳



夏駕湖壽夢盛夏乘駕納涼之處

鑿湖池置苑囿故今有苑橋之名

蔡經宅在吳縣西北五十步經後漢人有道術練大

丹服菖蒲得仙今蔡仙鄉即其隱處也

馮驩宅在吳縣東北二里五十步驩平原君門下客

今有彈鋏巷其墳在側石碑見存

長洲縣望在郡下貞觀七年分吳縣界以苑為名地

名茂苑水名僊山鄉東一百里有秦時古壻王莽改

為婁縣北二里有舟溪廣八里深四丈西入太湖北

四十二里有湖廣四里深三丈縣北二十七里有岑

陂夏駕陂馬的陂

吳國古有此

管坊三十鄉三十戶二萬

三千七百

華池在長洲縣大雲鄉安昌里

華林園在長洲縣華林橋

南宮城在長洲縣干將鄉長樂里

嘉興縣本號長水縣在郡南一百四十三里周敬王

十年置在谷口湖秦始皇二十六年重移改由拳縣

景龍二年嘉禾野生改嘉禾縣吳赤烏 年避吳主



太子名改嘉興縣前有晉妓錢唐蘇小小墓東五里有天心池二里有會稽太守朱買臣墳西五百步有晉兵部尚書徐恬宅捨爲靈光寺縣北三十里有雋里池是吳越戰敵處縣南一百里有語兒亭勾踐令范蠡取西施以獻夫差西施於路與范蠡潛通三年始達於吳遂生一子至此亭其子一歲能有因名語兒亭越絕書曰西施亡吳國後復歸范蠡同泛五湖而去二十五里有長谷亭入華亭縣西北行七十里  
里有震澤今升縣望管鄉五十戶一萬七千五十四  
崑山縣在郡東七十里地名全吳水名新陽貞觀十三年分在吳縣東置縣南一百九十步有晉將軍袁山松城隆安二年築時爲吳郡太守以禦孫思軍在滬瀆池濱半毀江中山松能楷書梁武帝評其書云山松書如深山道者見之往往縮頭卒贈司空將軍葬橫山東二里會昌四年升縣管鄉二十四戶一萬三千九百八十一

常熟縣在郡北一百里晉建安二年分吳縣海虞置本號海虞縣至唐貞觀九年改常熟縣北一百九十



步有孔子弟子言偃宅中有聖井闊三尺深十丈傍有盟卽壇也盟北百步有浣沙石可方四丈縣北二里

有海虞山仲雍固章並葬山東嶺上闔閭三子長曰終纍婚齊女蚤亡亦葬此山山有二洞穴穴側有石壇周廵六十丈山東二里有石室太公呂望避紂之處山西北三里有越王勾踐廟郭西二里有夫差廟折姑蘇臺造管鄉二十四戶一萬三千八百二十

華亭縣在郡東一百六十里地名雲間水名谷水天寶五年置蓋晉元假陸遜宅造池亭華麗故名有陸

遜陸機陸瑁三墳在東南二十五里橫山中有鶴鳴鶴唳玄鶴管鄉二十二戶一萬二千七百八十

海鹽縣在郡東南二百二十里地名殷水水名福見秦始皇二十六年置陷爲柘湖又改武元縣湖爲當湖隆安五年改東武洲移在故邑上咸康七年改禦越復號海鹽縣陳貞明元年割屬鹽官廣德七年隸歸嘉興景隆二年重置光天二年廢開元五年刺史張廷珪奏請重置縣東十一里有晉穆公何皇后宅十五里有公孫挺陳開強顧冶子三墳俱事齊景公



魯烈有功於景公為晏子 以桃三顆今言功三人  
 同日而死葬于此縣東南三十里有秦柱山有五百  
 童女避秦始皇難於此後竝得仙縣西五里有會稽  
 山是陸華兄弟尋金牛之處管鄉一十五戶一萬三  
 千二百會昌四年升為縣

虎丘山避唐太祖諱改為武丘又名海湧山在吳縣  
 西北九里一百步闔閭葬此山中發五郡之人作塚  
 銅槨三重水銀灌體金銀為坑史記云闔閭塚在吳  
 縣閭門外以十萬人治塚取土臨湖葬經三日白虎

踞其上故名虎丘山吳越春秋云闔閭葬虎丘十萬  
 人治葬經三日金精化為白虎蹲其上因號虎丘秦  
 始皇東巡至虎丘求吳皇寶劍其虎當墳而踞始皇  
 以劍擊之不及悞中于石 遺跡尚存 其虎西走二十五里

忽失於今虎嘍唐諱虎錢氏諱嘍改為許墅劍無復  
 獲乃陷成池古號劍池池傍有石可坐千人號千人  
 石其山本晉司徒王珣與弟司空王珉之別墅咸和  
 二年舍山為東西二寺立祠於山寺側有貞娘墓吳  
 國之佳麗也行客才子多題詩墓上有舉子鐔銖作



詩一絕其後人稍稍息筆

花山在吳縣西三十里其山蒼鬱幽邃晉太康二年  
生千葉石蓮花因名山東二里有胥葬亭吳越闔閭  
置亭東二里有館娃宮吳人呼西施作娃夫差置今  
靈巖山是也晉太尉陸玩舍宅置寺宮傍有石鼓大  
三十圍吳志云其鼓有兵則鳴晉隆安二年賊孫恩  
作亂鼓鳴山上有池旱亦不涸中有蕘甚美夏食之  
則去熱吳中以為佳品

支硎山在吳縣西十五里晉支遁字道林嘗隱於此  
山後得道乘白馬升雲而去山中有寺號曰報恩梁  
武帝置

峯峒山在吳縣西十貳里吳王僚葬此山中有寺號  
思益梁天監二年置

餘杭山又名四飛山在吳縣西三十里有漢豫章太  
守陸烈墳東二里有漢山陰縣令陸寂墳山有白土  
如玉甚光潤吳中每年取以充貢號曰石脂亦曰白  
堊白磬東三里有夫差義子墳十八所

橫山又名據湖山在吳縣西南十六里中有朱植墳



及晉門下侍郎陸雲公墳

鷄籠山在吳縣西三十里以形似鷄籠因名晉太康二年司空陸玩葬此山掘地得石鳳飛去今鳳凰墩是也陸玩字君瑤爲左僕射蘇峻之難與兄曄隨帝在石頭城以曄玩吳民之望不敢加逼遷旣登公輔嘗歎息謂賓客曰我爲三公是天下無人其謙抑若是疾薨以佐命之勳特置七十家守墳子納字祖言

納玩之弟子納誤也

清操絕俗不改素業爲吳興守至郡不受

俸祿征討大都督謝安請納殊無供辦茶果清談而

退終尚書令亦葬此山

昇猶山在吳縣西二十里吳太宰豁所葬豁楚伯州犁之孫楚誅伯州犁奔吳吳以爲大夫讒佞夫差而誅子胥后句踐滅吳誅豁以其不忠也

女墳湖在吳縣西北六里越絕書曰夫差小女字幼玉見父無道輕士重色其國必危遂願與書生韓重爲偶不果結怨而死夫差思痛之金棺銅擲葬閭門外其女化形而歌曰南山有鳥北山張羅鳥旣高飛羅當奈何志欲從君讒言孔多悲怨成疾沒身黃坡



又趙擘吳越春秋云闔閭有女哀怨王先食蒸魚乃自殺王痛之厚葬於閭門外其女化爲白鶴舞於吳市千萬人隨觀之後陷成湖今號女墳湖流杯亭在女墳湖西二百步闔閭三月三日泛舟遊賞之處太湖按漢書志云爾雅十放曰吳越之間有具區郭璞云今吳縣西南太湖卽震澤也中有包山去縣一百三十里其山高七十丈周廻四百里下有洞庭穴潛行水底無所不通號爲地脉又有大小二雷山按越絕書曰太湖周廻三萬六千頃亦曰五湖虞翻云

太湖有五道之別故謂之五湖國語曰吳越戰於五湖在笠澤一湖耳張勃吳錄云五湖者太湖之別名以其周行五百里以五湖爲名周處風土記曰舜漁澤之所也揚州記曰太湖一名震澤一名洞庭今湖中包山有石穴其深莫知其極卽十大洞天之弟九林屋洞天也洞庭山記曰洞庭有二穴東南入洞幽邃莫測昔闔閭使令威丈人尋洞秉燭晝夜而行繼七十日不窮而返啓王曰初入洞口狹隘偃僂而入約數里忽遇一石室可高二丈常垂津液內有石牀



枕硯石几上有素書三卷持回上於闔閭不識乃請  
孔子辯之孔子曰此夏禹之書竝神仙之事言大道  
也王又令再入經二十日却返云不似前也唯上聞  
風水波濤又有異蟲撓人撲火石燕蝙蝠大如鳥前  
去不得丈人姓毛名萇號曰七公今洞庭有毛公宅  
石室并壇存焉

松江一名松陵又名笠澤

越伐吳禦之笠

澤其江之源連接太湖一江東南流五十里入小湖  
一江東北二百六十里入於海一江西南流入震澤

此三江之口也咸仲云松容也容喬之貌尚書云三  
江既入震澤底定是也晉張翰仕齊王罔在京師見  
秋風起思松江鱸魚膾遂命駕東歸俄而罔敗人皆  
謂之見機卒葬橫山東五里

唐曹恭王廟在松江恭王太宗第十四子調露元年  
則天皇后出爲蘇州刺史

百口橋後漢郡人顧訓家有百口五世同居鄉人効  
之共議近宅造百口橋以彰孝義也

乘魚橋在交讓瀆郡人丁法海與琴高友善高世不



仕其營東臯之田時歲大稔二人共行田畔忽見一  
大鯉魚長可丈餘一角兩足雙翼舞於高田法海試  
上魚背靜然不動良久遂下請高登魚背乃舉翼飛  
騰冲天而去

琴高宅在交讓瀆法海寺西五十步法海寺濟陽丁  
法海舍宅所置法海蓋丁令威之齋殿西浮圖下有  
令威煉丹井也

臯橋在吳縣北三里有五十步漢議郎臯伯通字奉  
卿所居因名伯通卒葬胥門西二百步號伯通墩高

士梁鴻隱居伯通廡下爲人賃舂每歸妻爲具食舉  
按齊眉伯通察而異之曰彼傭能使其妻敬之如此  
非凡人也舍於家鴻潛閉門著書十餘篇疾困告主  
人曰昔延陵君葬子贏博之間不歸鄉里慎勿令我  
子持喪歸去乃卒伯通等求葬地於吳要離塚傍咸  
曰要離烈士伯鸞清高宜令相近葬畢妻子歸扶風  
都亭橋壽夢於此置都驛招四方賢客基址見存  
灰渚橋吳時海渚通源後沙漲爲陸基址見存  
定跨橋闔閭於行苑內置游賞之處基址見存



重玄寺梁衛尉卿陸僧瓚天監二年旦暮見住宅有瑞雲重重覆之遂奏請舍宅爲重雲寺臺省誤寫爲重玄時賜大梁廣德重玄寺

乾元寺晉高士戴顓舍宅置乾元初蘇州節度採訪使鄭桂清書額奉敕依年號爲乾元寺

通玄寺吳大帝孫權吳夫人舍宅置晉建興二年郡東南二百六十里有滬瀆漁人夜見海上光明照水徹天明日觀二石神像浮水上衆言曰水神也以三特日祝迎之像背身泛流而去時郡有信士朱應及

東陵寺尼率衆香花鐘磬入海迎之載入郡城像至通玄寺前諸寺競爭數百人牽拽不動衆議玄像應居此寺言畢數人舁試像乃輕舉便登寶殿神驗屢彰光明七日七夜不絕梁簡文帝制石佛碑曰有迦葉佛維衛佛梵字刻於像背唐東宮長史陸柬之書碑載初九年則天皇后遣使送珊瑚鏡一面鉢一副宣賜供養兼改通玄寺爲重雲寺開元五年兼賜金魚字額舊通玄寺移鹽官縣東四十里鮑郎市其後像失一軀後人造一軀以竝之



龍光寺梁天監二年金紫光祿大夫

舍宅置陸

東之書額

永定寺梁天監三年蘇州刺史吳郡顧彥先舍宅置

陸鴻漸書額

宴聖寺梁天監三年司徒沈長史吳郡張融舍宅置

右衛翊陸遠書額

禪房寺宋建武元年蘇州刺史張岱舍宅置吳郡陸

曾書額

流水寺吳郡陸襄舍宅置三殿三樓高僧清閑建吳

郡縣令田業伯葉書額

唐慈寺宋建武元年高士將軍舍宅置

朱明寺晉隆安二年郡人朱明孝義立身而家大富

與弟同居弟妻言樹壞欲棄兄巽居明知弟意乃以

金帛餘穀盡給與弟唯留空宅忽一夕狂風驟雨悉

吹財帛還歸明宅弟與妻羞見鄉里自盡明乃舍宅

為寺號朱明寺

般若臺晉穆侯何曾置內有水池石橋銅像一軀高

一丈六尺高士戴顓建唐景龍二年有神光現數日



不歌奉敕改神景寺東北有般若橋因寺而名  
崇福寺梁天監三年武帝置周朝廢之寶應元年重  
置

龍興寺則天皇后置御書額八方開元五年再興此  
寺刺史張廷珪模勒御書于碑

慈悲寺齊永明二年吳人薛曇舍宅置宋周曇卒遺  
言遷其靈柩於殿下

陸卿寺梁庄舍宅置

崇善玉芝二觀並天監二十一年置

右館八所

全吳

通波

龍門

臨頓

升羽

帶城橋二百步

鳥鵲

在郡南高橋

江風

湯馬港是

夷亭

養魚之亭

右坊三十六所

通波

三讓

水浮

闔閭

坤維

館娃

調啁

平權

金風

南宮

通關

蓋簪

吳越

白賁

南記

長干

望館

曳練

萇楚

處暑



常縣

白華

卽次

甘節

吳淦

游雷

義和

噬嗑

嘉魚

陋燭

已上三十坊在吳縣

遷善

旌孝

儒教

繡衣

太玄

黃鸝

玉鉉

布德

立義

孫君

青陽

建善

從義

迎春

載邦

開水

麗澤

澤萊

和令

夷則

南政

仲呂

必大

豸冠

八貂

同仁

天宮

布農

富春

循陔

已上三十坊在長洲縣

周秦王三子長曰泰伯次日仲雍次日季歷季歷賢而生聖子文王昌昌必有天下故泰伯以天下三讓於季歷焉周與吳皆后稷之後姓姬氏吳國泰伯在位四十九年無子弟仲雍立

周繇王在位三十七年

子熊遂立子



熊遂在位四十九年

子早軫立之

早軫在位五十九年

子款吾立之

款吾在位三十八年

子兄夷處立之

夷處在位三十九年

姪璧羽立子

璧羽在位三十六年

子齊玄立之

齊玄在位五十年

子柯盧立之

柯盧在位二十七年

弟柯轉立之

柯轉在位二十四年

子嬌夷立之

嬌夷在位二十四年

姪鴟夷立之

鴟夷在位三十年

子界嗣立之

界嗣在位三十五年

子知濟立之

知濟在位二十七年

子諸樊立之

餘濟在位十七年

子弟昧立之

餘昧在位二十一年

子僚立之

子僚在位十三年

堂弟子光立之

子光在位二十年

子光諸樊之子殺僚篡位號闔閭子夫差立之

夫差在位二十三年

為越王句踐所殺國滅

已上計二十五王治國總六百二十四年



羅城作亞字形周敬王六年丁亥造至今唐乾符三年丙申凡一千八百九十五年其城南北長十二里東西九里城中有大河三橫四直蘇州名標十望地號六雄七縣八門皆通水陸郡郭三百餘巷吳長二縣古坊六十虹橋三百有餘地廣人繁民多殷富古踪靈跡實異事後因王郢叛亂羅城乃以重修今姑纂成圖畫以俟後來者添修矣

遊城南注

宋張禮

元祐改元季春戊申明微茂中同出京兆之東南門唐皇城之安上門也至德二載改爲先天門尋復舊肅宗以祿山國讐惡聞其姓京兆坊里有安字者率易之續注曰志總序云唐開元元年改雍州爲京兆府以京城爲西京天祐元年昭宗東遷降爲佑國軍梁開平元年改府曰大安越二年改軍曰永平後唐同光元年後爲西京晉天福元年

皇朝通志卷之四



改軍曰晉昌漢乾祐元年改軍曰永興其府名皆  
仍舊有宋因之故其南北相值之街亦曰安上  
歷興道務本二坊

興道坊在安上門街之西景龍三年改瑤林坊務  
本坊在安上門街之東與興道坊相對景龍二年  
改玉樓坊景雲元年並復舊二坊之地今爲京兆  
東西門外之草市餘爲民田

由務本西門入聖容院觀薦福寺塔

聖容院蓋唐薦福寺之院也今爲二寺寺之浮圖

今正謂之薦福寺塔尚存焉其寺文明元年立謂  
之大獻佛寺天授元年改爲薦福寺景龍中宮人  
率出錢起塔十五層 續注曰貞祐乙亥歲塔之  
纏腰尚存辛卯遷徙廢蕩殆盡惟磚塔在焉

南行至永樂坊

卽橫岡之第五爻也今謂之艸場坡古場存焉隋  
宇文愷城大興以城中有六大岡東西橫亘象乾  
之六爻故于九二置宮室以當帝王之居九三置  
百司以應君子之數九五貴位不欲常人居之故



城南注  
置玄都觀大興善寺以鎮之玄都觀在崇業坊大興善寺在靖善坊其岡與永樂坊東西相直長安志云坊東有裴度宅度欲入朝有張權輿上疏云非度名應圖識宅據岡原蓋嘗有人與度作識云非衣小兒坦其腹天上有口被驅逐言度曾討淮西平吳元濟宅據岡原與興善玄都相連故也

東南至慈恩寺少遲登塔觀唐人留題

寺本隋無漏寺貞觀二十一年高宗在春宮爲文德皇后立爲慈恩寺永徽三年沙門玄奘起塔初

惟五層磚表土心效西域窳堵波卽袁宏漢記所謂浮圖祠也長安中摧倒天后及王公施錢重加營建至十層其云鴈塔者天竺記達嚨國有迦葉佛伽藍穿石山作塔五層最下一層作鴈形謂之鴈塔蓋此意也嘉話錄謂張莒及進士第閒行慈恩寺因書同年姓名于塔壁後以爲故事按唐登科記有張台無張莒台于大中十三年崔鉏下及第馮氏引之以爲自台始若以爲張莒則台詩已有題名之說焉塔自兵火之餘止存七層長興中



西京留守安重霸再修之判官王仁裕爲之記長  
安士庶每歲春時遊者道路相屬熙寧中富民康  
生遺火經宵不滅而遊人自此衰矣塔旣經焚塗  
圻皆剝而磚始露焉唐人墨迹於是畢見今孟郊  
舒元興之類尚存至其它不聞於後世者蓋不可  
勝數也 續注曰正大遷徙寺宇廢毀殆盡惟一  
塔儼然塔之東西兩龕唐褚遂良所書聖教序及  
唐人題名記碑刻存焉西南一里許有西平郡王  
李公晟先廟碑工部侍郎張或撰建業韓秀弼八  
分書字畫歷歷可讀

倚塔下瞰曲江宮殿樂遊燕喜之地皆爲野艸不覺  
有黍離麥秀之感

江以水汜屈曲故謂之曲江其深處下不見底司  
馬相如賦曰臨曲江之隄洲蓋其地也劇談曰曲  
江本秦隄洲唐開元中疏鑿爲勝境江故有泉俗  
謂之漢武泉又引黃渠之水以漲之泉在江之西  
旱而禱雨有應今爲濱江農家湮塞然春秋積雨  
池中猶有水焉黃渠水出義谷北上少陵原西北



流經三像寺鮑陂之東北今有亭子頭故巡渠亭  
子也北汜入鮑陂鮑陂隋改曰杜陂以其近杜陵  
也自鮑陂西北汜穿蓬萊以注之曲江由西北岸  
直西流經慈恩寺而西歐陽詹曲江記其略曰茲  
地循原北峙迴岡旁轉圓環四匝中成坎窞窅窅  
港洞生泉翕源東西三里而遙南北三里而近崇  
山濬川鈎結盤護不南不北湛然中停蕩惡舍和  
厚生蠲疾涵虛抱景氣象澄鮮滌慮延歡棲神育  
靈觀此可得其槩矣唐進士新及第者往往汎舟

遊宴于此文宗時曲江宮殿廢十之九帝因誦杜  
甫哀江頭之詩慨然有意復升平故事太和九年  
發左右神策軍三千人疏濬修紫雲樓彩霞亭仍  
勅諸司有力建亭館者官給閒地任營造焉今遺  
址尚多存者江水雖涸故道可因若自甫張村引  
黃渠水經鮑陂以注曲江則江景可復其舊不然  
疏其已塞之泉渟渚歲月亦可觀矣樂遊原亦田  
園在曲江之北卽秦宜春院也漢宣帝起樂遊廟  
因以爲名在唐京城內每歲晦日上巳重九士女



咸此登賞被禊樂遊之南曲江之北新昌坊有青龍寺北枕高原前對南山爲登眺之絕勝賈島所謂行坐見南山是也

出寺涉黃渠上杏園望芙蓉園西行過杜祁公家廟杏園與慈恩寺南北相直唐新進士多遊宴於此芙蓉園在曲江之西南隋離宮也與秦園皆秦宜春下苑之地園內有池謂之芙蓉池唐之南苑也杜祁公家廟咸通八年建石室尚存俗曰杜相公讀書堂其石室曰藏書龕續注曰石室奉安神

主之室也

出啓夏門覽南郊百神靈星三壇

啓夏門唐皇城之南門也北當皇城之安上門少西蓋京城之南凡三門中曰明德門今謂之五門西曰安化門今爲之三門此其東門也三壇在門外西南二里百神靈星二壇頗毀而圓丘特完南一里有蓮花村未詳其所以名也續注曰少西

北有唐贈戶部尚書楊貞公塲廟碑晉公李林甫撰王曾書王敬從題額次東南有唐相國令狐氏



廟碑太和三年劉禹錫撰并書陳錫篆額楊氏苗  
裔太和間尚盛人呼爲廟坡楊辛卯遷移後無聞  
焉

次杜光村

杜光村有義善寺俗謂之杜光寺貞觀十九年建  
蓋杜順禪師所生之地順解華嚴經著法界觀居  
華嚴寺證圓寂今肉身華嚴寺

東南歷仇家庄

庄卽唐宦官仇士良別業也士良死籍沒其家後

晉錫晉昌軍節度使安彥威安氏子孫世守之士  
良墓碑俱存其南爲郭子儀墓西南長孫無忌之

墓碑皆斷什 續注曰撫定後府南趙牛里皓陽

觀王李可貞喬志朴相過語余觀西北有二十大碑  
云是郭氏墓碑他日往觀其一壽州刺史郭敬之

神道碑敬之字敬之子儀父也以子儀貴贈太保  
徐國公碑額御題韓國公苗晉卿撰序蕭華書其  
一郭氏所尚昇平公主墓碑書撰姓名失傳

過高望西南行至蕭灌墓讀碑



灌嵩之父也碑乃明皇題額張說爲文梁升卿書  
嵩墓別塋張曲

由趙村訪章敬寺基經撥川至論弓仁墓

五代周太子太師致仕皇甫玄庄在趙村建隆二  
年置墓在村東碑在其庄內章敬寺長安志曰在  
通化門外本魚朝恩庄也後爲章敬皇后立寺故  
以爲名殿宇總四千一百三十間分四十八院以  
曲江亭館華清宮觀風樓百司行解及將相沒官  
宅舍給其用今此基不甚侈且與志所藏地里不

同豈四十八院之一耶論弓仁者吐蕃普贊之族  
也世相普贊戎言爲宰相爲論因以爲氏聖曆三  
年以所統吐渾七千帳降唐累有戰功死贈撥川  
王墓趙村張說爲碑今已毀什字無存者獨其題  
額在焉

軒  
下勳蔭坡入牛頭寺登長老文公禪堂夜宿寺之南

勳蔭坡今牛頭寺之坡也寺卽牛頭山第一祖遍  
照禪師之居也貞元十一年建內有徐士龍所撰



碑太平興國中改寺曰福昌元豐癸亥長老道文  
自南方來居于寺之北堂其南軒爲延客之所今  
有朱公揆題壁

巳酉謁龍堂循清明渠而西至皇子陂徘徊久之

龍堂在牛頭寺之西寺故有龍泉塔院此堂卽其  
地也泉北有塔俗稱龍堂坡地甚平行中多植杏  
謂之杏花坪見杜詡勝遊錄清明渠隋開皇初引  
沉水西北流屈而東流入城當大安坊南街又東  
流至安樂坊入京城今其渠自朱坡東南分流水

穿杜牧之九曲池循坡而西經牛頭寺下穿韓符  
庄西過韋曲至渠北村西北流入京城皇子陂又  
在龍堂之西秦墓皇子於陂起塚塚於陂北原上  
因以名坡隋文帝改永安坡唐復舊

覽韓鄭郊居至韋曲扣堯夫門上逍遙公讀書臺尋  
所謂何將軍山林而不可見因思唐人之居城南者  
往往舊蹟湮沒無所考求豈勝遺恨哉

韓店卽韓昌黎城南雜題及送子符讀書之地今  
爲里人楊氏所有鑿洞架閣引泉爲池穿地得大



鳴起信論碑之上篇鄭谷庄在坡之西今爲里人  
李氏所有韋曲在韓鄭庄之北堯夫進士韋師錫  
之字也世爲韋曲人遠祖夔後周時居此蕭然自  
適與族人處玄及安定梁曠爲放逸之友時人慕  
其閑素號爲逍遙公明帝貽之詩曰香動秋蘭佩  
風飄蓮葉衣北史有傳今其讀書臺儼然屹立逍  
遙谷則在驪山西南蓋亦慕夔而名之也杜甫何  
將軍山林詩有不識南塘路今知第五橋又曰憶  
過楊柳渚走馬定昆池今第五橋在韋曲之西與  
沈家橋相近定昆池在韋曲之北楊柳渚今不可  
考南塘按許渾詩云背嶺枕南塘其亦在韋曲之  
左右乎嘗讀唐人詩集岑嘉州有杜陵別業終南  
別業而石鼈谷高冠谷皆有其居郎士元有吳村  
別業段覺有杜村閒居元微之亦有終南別業蕭  
氏有蘭陵里梁升卿有安定庄今皆湮沒謾不可  
尋蓋不特何將軍山林而已

晚抵申店李氏園亭夜宿祁子虛書舍

申店夾瀉水之兩溪李氏名之邵字公材嘗爲進



士祁子虛名徹李舍人婿也園之東有閣曰秘春  
北有小軒曰明月

庚戌子虛邀飲韋氏會景堂及門主人出迓明微以  
爲不足子虛道其景且誦其詩明微聞之始入其奧  
韋氏名宗禮字中伯世爲下杜人蓋唐相之裔家  
失其譜不知爲何房城南諸韋聚處韋曲宜其屬  
系系易知然或東眷或西眷或逍遙公或鄭公或  
南陂公或龍門公不知其實何房也中伯博學好  
古葺治園亭奇花異艸中莫不有日與賓客宴遊

朝奉郎白序題其堂曰會景中伯園中有割金竹  
其狀與對青相似長安有此竹者惟處士蘇季明  
張思道與中伯三家而已

復相率濟潏水陟神禾原西望香積寺塔原下有樊  
川御宿之水交流謂之交水西合於灃北入於渭  
長安志曰潏水今名泥水一作玩水自南山流至  
皇子陂今潏水不至皇子陂由瓜洲村附神禾塹  
上穿申店而原愈高鑿原而通深至八九十尺俗  
謂之玩河是也瓜洲村之東北原上潏水北岸上



尚有川流故道西北過張王村之東又西北經內  
家橋又西北經下杜城過沈家橋杜城之西有丈  
八溝卽杜子美陪諸公子納涼遇雨之地潏水上  
原西北流而合御宿川水是名交水在香積寺之  
西南香積寺唐永隆二年建中多石象塔磚中裂  
院中荒涼人鮮遊者

下原訪劉希古過瓜洲村

劉希古名舜才爲進士不第退居申店潏水之陰  
瓜洲村俗以爲牧之種瓜之地予讀許渾集有和

淮南相公重遊瓜洲別業詩淮南相公杜佑也佑  
三子師損式方從郁牧之從郁子也由此考之在  
佑已有瓜洲別業則非牧之種瓜地明矣今村南  
原上有瓜洲墓豈始有瓜洲人居此而名之耶亦  
猶長安縣有高麗曲因高麗人居之而名也  
復涉潏水遊范公五居

范公庄本唐岐國杜公祐郊居也門人權德輿爲  
之記纂敘幽勝極其形容舊史稱佑城南樊川有  
桂林亭卉木幽邃佑日與公卿宴集其間元和七



年佑以太保致仕居此式方傳又云杜城有別墅  
亭館林池爲城南之最牧之之賦亦曰予之思歸  
今走杜陵之西道巖曲泉深地平木老隴雲秦樹  
風高霜早周臺漢園斜陽衰艸其地有九曲池池  
西有玉釣亭許渾詩所謂九曲池西望月來池蹟  
尚存亭則不可考也又其地有七葉樹每朶七葉  
因以爲名羅隱詩所謂夏牕七葉連簷暗是也以  
是求之其景可知矣此庄向爲杜氏所有後歸尚  
書郎胡拱辰熙寧中侍御史范巽之買此庄于胡  
故俗謂之御史庄中有溪柳巖軒江閣圃堂林館  
故又謂之五居  
東上朱坡憇華巖寺下瞰終南之勝霧巖玉案圭峰  
紫閣祭在目前不待足履而盡也

朱坡在御史庄東華寺寺西牧之朱坡三絕句極  
言其景華巖寺貞觀中建寺之北原下瞰終南可  
盡其勝岑參詩所謂寺南幾千峰峰翠青可掬是  
也終南一名太乙一名地肺關中記曰終南太乙  
左右三百里內爲福地柳宗元碑曰據天之中在



都之南西至於褒斜又西至於隴首以臨於戎東  
至於商顏又東至於太華以距於關秦末四皓隱  
於其間後因立廟唐文宗詔建終南山祠冊爲廣  
惠公主峰紫閣在祠之西圭峰下有艸堂寺唐僧  
宗密所居因號圭峰禪師紫芝之陰卽漢陂杜甫  
詩曰紫閣峰陰卽漢陂是也太乙在祠之東霧巖  
玉案附麗而列二峰之間有水井經暑不消長安  
歲不藏冰夏則取水於此紫閣之東有高觀峪岑  
參作高冠蔣之奇作高官未知孰是

已而子虛希古開樽三門寺僧子齊出詩凡七百篇  
皆詠寺焉予賞蘓子美詩明微吟唐僧子蘭詩踈鐘  
搖雨脚積雨浸雲容之句及讀相國陳公悔把吾廬  
寄杜城之言則又知華嚴之爲勝也酒闌過東閣閣  
以華嚴有所蔽而登覽勝之真如塔在焉謂之東閣  
以西有華嚴寺故也今爲艸堂別院

長安志曰真如塔在華嚴寺今其塔在東閣法堂  
之北壁間二石記皆唐刻也具載華嚴寺始末則  
華嚴東閣本一寺也不知其後何以隸艸堂焉



下閣至澄襟院院引北岩泉水架竹落庭注石盆中  
瑩徹可挹使人不覺頓忘俗意時子虛希古先歸院  
之東元醫之居也子與明徵宿焉

澄襟院唐左行僧錄遍覺太師智慧之塔院也碑  
云起塔於萬年縣神禾鄉孫村今屬鴻固鄉元醫  
世爲樊川人其居北倚高坡泉聲冷冷竹陰相接  
圃中植花穴洞巖間架閣池上茂林修竹與之隱  
映真有幽勝之趣

續注曰澄襟院水久涸今爲

長濱濱巨源衣鉢院莊則金典定辛巳間尚爲元  
氏之居遷徙後遂無聞焉近代李構卽庄建閣鑿  
洞立三清像遂呼爲三清閣兵後高竇老奉披雲  
真人爲十方院門人樊志高盡有元莊典刑雖在  
盛事則廢

辛亥歷廢延興寺過夏侯村王白二庄林泉

延興寺在楊萬坡斷碑遺址瓦礫遍地興廢之由  
無可考今爲里人劉氏所有竹木森蔚泉流清淺  
景勝元醫之居但不葺治耳駙馬都尉王銑林泉  
在延興寺之東與朝奉郎白序爲隣王氏林泉久



不治白字聖均莊有揮金堂順年堂疑夢室醉吟  
菴翠屏閣寒泉亭辛夷亭桂崑亭今爲王貞外家  
所有

東次杜曲前瞻杜固盤桓移時

唐史稱杜正倫與城南諸杜素遠求通譜不許銜  
之世傳杜固有王氣諸杜居之衣冠世美及正倫  
執政建言鑿杜固通水以利人旣鑿川流如血閱  
十日方止自是南杜稍不顯居杜固者謂之南杜  
以北有杜曲故也杜固今謂之杜坡所鑿之處崖

塹尚存俗曰馬墪崖或曰鳳凰嘴不知何謂也杜  
氏世墓少陵原司馬村之西南杜甫嘗稱杜曲諸  
生少陵野老正謂杜曲少陵相近故也甫爲晉征  
南將軍預之後預玄孫某隨宋武帝南遷遂爲襄  
陽人甫曾祖其爲鞏令又徙河南宋孫洙爲甫傳  
以牧之爲甫族孫蓋同出於預也是甫乃城南諸  
杜之裔耳然唐宰相世系不載在何故俟再考  
之

越姜保至興教寺上玉峰軒南望龍池廢寺



興教寺總章二年建有三藏玄奘慈恩西明三塔  
寺倚北岡南對玉案峰元豐中知京兆龍圖李公  
登眺於斯命僧創軒是名玉峰擢明年令陳正舉  
爲之記龍池寺直玉案山之北 續注曰興教寺  
開成四年沙門令總裁修三藏塔銘屯田郎中兼  
侍御史劉軻撰慈恩塔銘太子左庶子御史中丞  
李弘度撰西明塔銘貢士宋復撰三藏塔奠中差  
大右慈恩左西明差小殿宇法制精密莊嚴  
過塔院抵韋趙覽牛相公樊鄉郊居

塔院者京兆開元寺福昌塔之莊也俗謂之塔院  
修竹喬林森結參天池臺廢基頗多不知在唐爲  
誰氏業俗傳國初狂人李琰居之琰誅沒官後福  
昌塔成賜之爲常任韋趙村有牛相僧孺郊居子  
孫尚有存者僧孺八世祖某隋封奇章公長安城  
南下杜樊鄉有賜田數頃書千卷僧孺居之依以  
爲學後爲相與李德裕相惡門生故吏各相爲黨  
先是泓沙相德裕宅爲玉碗僧孺宅爲金杯且云  
金毀可作他器玉毀不復用矣其言果驗然唐史



傳方技者不載其事其亦闕文乎

廼登少陵原西過司馬村穿三像院尋舊路暮歸孫君中復之廬

長安志云少陵原南接中南山北直澆水本爲鳳棲原漢許后葬少陵在司馬村之東因卽其地呼少陵原杜牧之自志云葬少陵司馬村柳宗元志伯妣墓曰葬萬年之少陵原實鳳棲原也原脉起自南山曲原西北岡阜相連纍纍不斷凡五十里然則鳳栖少陵其實一本因地異名耳漢總謂之

洪固原今萬年縣有洪固鄉司馬村今在長安城之東南少陵在村之東北則澆水在東非在北矣少陵東接豐梁原或作鳳涼原澆水出焉東北對白鹿原荆谷水出焉二水合流入渭杜甫詩所謂天高素澆原是也少陵之東岡下卽澆水之西岸其地有泉舊傳有犢跑鳴而泉出今謂之鳴犢鎮三像寺開元中建背倚北原高數百尺始寺依原刻三大佛故名又云開原未爲武惠妃建武氏墓在鳳棲原長興坊與寺亦相近中復田家子今爲



進士

壬子渡瀟水而南上原觀乾湫憇塗山寺望翠微百塔子虛約遊五臺而與僕夫負行李者相失遂飲于御宿川之王渠醉還申店幾半夜矣

乾湫在神禾原皇甫村之東舊傳有龍移去南山炭谷原之湫水遂涸故謂之乾湫炭谷之水遂著靈異歷代崇爲太乙湫或曰炭谷本太乙谷土人語急連呼之耳

續注曰塗山寺在皇甫村神禾原之東南舊傳皇甫村有三社曰鸞駕坪鳳凰臺

及廢栖真觀翠微寺在終南山上本太和宮武德八年建貞觀十年廢廿年太宗厭禁內煩熱命將作大匠閻立本再葺改爲翠華宮元和元年廢爲翠微寺杜甫詩曰雲薄翠微寺則元和之前固已謂之寺矣百塔在梗梓谷口唐信行禪師塔院今謂之興教寺唐裴行儉妻庠狄氏嘗讀信行集錄及歿遷窆於終南山鴟號堆信行塔之後由是異信行者往往歸葬於此今小塔纍纍相比因謂之百塔塔東爲石鼈谷廣惠神祠在焉西爲豹林谷



种放隱居之地放居今爲女冠所有蘇季明松門亦在其西而董村寺翠微寺下院也又在其西自董村西行幾十里曰豐德寺豐德長老所居今其寺猶有僧焉南五臺者曰觀音曰靈應曰文殊曰普賢曰現身皆山峰卓立故名五臺圓光寺王建集爲靈應臺寺陸長源辯疑志爲慧光寺韓渥集爲神光寺今謂之圓光寺五臺之北有留村數寺皆下院也御宿川按揚雄傳曰武帝開上林南院至宜春鼎湖昆吾傍南山而西至長楊五柞北繞黃山瀕渭而東遊觀則止宿其中故曰御宿大抵樊川御宿皆上林苑地也

癸丑詣張思道循原而東詣蓮花洞經裴相舊居越幽州庄上道安洞抵炭谷旣行小雨而還復尋會景堂清談終日

思道唐學士鷺之後居滴水之陰好讀書善屬文雅麗有祖風自思道之居東行五六里直樊川之上倚神禾原有洞曰蓮花舊爲村人鄭氏之業鄭氏遠祖乾曜尚明皇之女臨晉公主杜甫詩有宴



鄭駙馬洞中云主家陰洞細煙霧宜卽此地也自  
洞東行三四里爲唐裴相國郊居林泉之勝亦樊  
川之亞今爲鄱陽沈思之居又南行三里至幽州  
庄李氏林亭李氏燕人也故以幽州名泉竹之盛  
過沈庄矣南行四里至道安洞今爲尼院院中起  
小塔西倚高崖東眺樊南之景舉目可盡又南行  
七八里至炭谷自谷口穿雲渡水躡亂石肩懸崖  
行十餘里數峰聳削蹬道之半有司馬溫公隸書  
二十八字曰登山有道徐行則不困擇平穩之地

而置足則不跌人莫不知之鮮能慎谷前太乙觀  
有希夷先生所撰碑觀南爲故處士雷簡夫隱居  
之地

甲寅北歸及內家橋子虛別焉予與明徵自翠臺庄  
由天門街上畢原西望三會寺定昆池迤邐入明德  
門

內家橋今名也或曰雷家或曰能家皆姓也橋之  
西又有沈家橋第五橋亦以姓名羅隱城南雜感  
詩有賴家橋上潯河邊之句似當以能爲是翠臺



庄不知其所以庄之前有南北大路俗曰天門界  
北直京城之明德門皇城之朱雀門宮城之承大  
門則界當爲街俗呼之訛耳許渾有天門街望之  
詩可據天門街當畢原之中長安志曰少陵原西  
入長安縣界五里蓋畢原也志誤以爲少陵西望  
三會寺寺邊有大塚世傳爲周穆王陵北有池舊  
與昆明池相通唐爲放生池有臺俗曰迦葉佛說  
法臺而傳記以爲蒼頡造書臺景龍中中宗幸三  
會寺與羣臣賦詩上官健仔所謂釋子談經處軒  
臣刻字留是也定昆池安樂公主之西庄也在京  
城之延平門外景龍初命司農卿趙履溫將作少  
監楊務廉爲園鑿沼延十數里時號定昆中宗臨  
幸與羣臣賦詩

歷延祚光行道德永達四坊之起至崇業坊覽玄都  
觀之遺基過岡論唐昌觀故事

唐昌觀又曰唐興觀在安業坊玄都觀北中有玉  
藥花元和中有仙子來觀嚴休父元稹輩俱有倡

和



既而北行數里入含光門而歸焉實閏月十六也

城南之景有聞其名而失其地者有具其名得其地而不知其所以者有見於近世而未著於前代者若牛頭寺碑陰記永清公主庄長安志載沙城鎮薛據南山別業羅隱雜感詩有景星觀姚家園葉家林聞其名而失其地者也翠臺庄高望樓公主浮圖溫國塔朱坡具其名得其地而不得其所以者也楊舍人庄唯釋院神禾少陵兩原三清觀塗山寺陳氏昆仲報德廬劉翔集之濛溪劉子衷之樊谿五臺僧墳院見於近世而未著于前代者故皆略之以俟再考至於名蹟可據而暴于人之耳目者皆得以詳書焉



北戶錄

唐 段公路

通犀

通犀置大霧重露下終不沾濡又堪辨毒藥酒藥酒  
生沫若貯米飼鷄鷄見輒驚散一呼為駭鷄犀或中  
毒箭刺于創中立愈蓋犀食百毒棘刺故也

孔雀媒

雷羅數州收孔雀雛養之使極馴擾致於山野間以  
物絆足傍施羅網伺野孔雀至則倒網掩之無遺一

通犀



說孔雀不疋偶但音影相接便有孕如白鷓雌雄相  
視則孕或曰雄鳴上風雌鳴下風亦孕見博物志宋  
紀曰孝武大明五年有獻白孔雀為瑞者愚按說文  
曰幸鳥者繫生鳥以來之名曰鬪字林音由今獵師  
有鬪也淮南萬畢術曰鷓鴣致鳥注云取鷓鴣拆其  
大羽絆其兩足以為媒博物志又云鷓鴣一名鷓鴣

鷓鴣

衡州南靈鷓鴣解嶺南野葛諸菌毒及辟溫瘴又一  
名鷓音述多對啼廣志言鷓鴣鳴云但南不止古今注

云其鳴自呼南越志云其鳴自號杜薄州食之亡厲  
惟本草說鳴云鉤輅格磔竹客反

鸚鵡瘴

廣之南新勤春十州呼為南道多鸚鵡凡養之俗忌  
以手頻觸其背犯者即多病顛而卒土人謂為鸚鵡  
瘴愚親驗之

赤白吉了

昔寧有廉州民獲赤白吉了各一頭獻于刺史者其  
赤者尋卒白者久而能言



緋猿

公路咸通十年往高涼程次青山鎮其山多猿有黃  
緋者緋者絕大毛彩殷鮮真謂奇獸夫猿則狙獾猴  
狔之類其色多傳青白玄黃而已今則豈可窮其族  
類與其猿能伏鼠多羣行猿善啼者其音淒入肝脾  
方知當一部鼓吹豈獨鼉聲然哉

蚺蛇牙

蚺蛇大者長十餘丈圍可七八尺多在樹上候麀鹿  
過者吸而吞之至鹿消卽纏大樹上出其頭角乃不  
復動夷人伺之以竹籤籤煞之取其膽也故南裔異  
物志曰蚺蛇牙長六七寸土人尤重之云辟不祥利  
遠行賣一枚直牛數頭

紅蛇

公路至雷州對岸倚舟候風勢見羣小兒簇二巨蛇  
各長丈餘一如孔雀尾毛色金翠奪目一如真紅色  
鮮明若血又有十餘頭白蛇前後相次若導從俱入  
一榕藤竅內竟不復去故知蛇有草木水土四種其  
類不可窮也又歸化縣有兩頭蛇南越志云無毒夷



人餌之兼名死云兩頭蛇一名越王約髮俗占見之  
不祥然論衡引楚相孫叔敖事者何也會叢又云渾  
夕之山有蛇一首兩身名曰肥遺見則大旱管子曰  
固水之精名曰螭音威一頭兩身以其名呼之可使取  
魚鱉

蛤蚧

蛤蚧首如蟾蜍背綠色上有黃斑點若古錦文長尺  
餘尾絕短其族則守宮蜥蜴蠺蚘多居古木竅間自  
呼其名聲絕大又有十二時亦其類也大者一尺尾  
長于身傳云自旦至暮變十二般色傷人必死愚嘗  
獲一枚閉于籠中元之止見變黃褐赤黑四色

紅蟹殼

儋州出紅蟹大小殼上多作十二點深臙脂色其殼  
與虎蟹堪作疊子按蟹一名蛭音詭廣雅云雄曰蝦蟇  
雌曰博帶抱朴子又云山中辰日稱無腸公子蟹也

古今注云小蟹一名長鄉廣志云鋪音脯小蟹大如貨

錢又蟹奴如榆莢在其腹中生死不相離山海經載  
千里蟹洞冥記有貢百足蟹長九尺四螯者今恩州



又出石蟹

蛺蝶枝

公路南行歷懸藤峽維舟飲水觀巖側有一木五綵  
初謂丹青之樹因命僮僕采之頃獲一枝尚綴軟蝶  
凡二十餘箇有翠緝縷者金眼者丁香眼者紫斑眼  
黑花者黃白者緋脉者大如蝙蝠者小如榆莢者愚  
因登岸視乃知木葉化焉是知蝶生江南柑橘樹蠹  
變爲蛺蝶鳥足之葉爲蝴蝶皆造化殆然非虛語也  
又會要云大食國西鄰大海嘗遣人乘船經八年未

極西岸中有一方石石上有樹榦赤葉青樹生小兒  
長六七寸見人皆笑動其手脚若著樹枝其使摘取  
一枝小兒卽死異苑大元中汝南人入山伐木見一  
竹中央蛇形已成上枝葉如故吳郡桐廬民嘗伐余  
遺竹一宿見雉頭頸盡就身猶未化此亦竹爲蛇蛇  
爲雉也

紅蝙蝠

紅蝙蝠出隴州皆深紅色惟翼脉淺黑多雙伏紅蕉  
花間採者若獲其一則一不去南人收爲媚藥王子



年拾遺云有五色蝙蝠異物志鼃蝨魚因風入空木而化為蝙蝠靈枝圖說曰蝙蝠服之壽萬歲又媚藥載軟金鳥辟寒金龍子布穀脚脰骨鵲腦砂稜莖草芍草左行草獨未見錄紅蝙蝠處豈闕載乎又有無風獨搖草男女帶之相媚又陳藏器云榼子蔓生取子中仁帶于衣令人有媚多迷人

金龜子

金龜甲蟲也五六月生于草蔓土大於榆莢細視真金帖龜子行則成雙其蟲死金色隨滅如螢光也南人收以養粉云與養粉相宜

乳穴魚

全義之西南有山曰盤龍山有乳洞乳洞有金沙龍盤魚皆四足修尾丹腹狀若守官游泳水濱人莫敢犯按御覽云龍蟠山有石洞洞中小水水有四足魚皆如龍形人殺之卽風雨也然唐韻云鰯魚各四足山海經云人魚如鮀音啼魚四脚出丹洛二水有鯢大者謂之鰈音啼爾雅注鯢似鮎四足聲似小兒但未見言其可致風雨耳公路因思道書說五頭魚三足鹿



皆神化所致不可以類而推也若以魚之異者則澧水之魚名朱鱉六足有珠又歷澗潭有五色魚又丹水出丹魚割肉以塗足下則可步履水上又朔法師云紫音齊魚一首十身博物志云金魚腦中有麩金出功婆塞江又吳王食鱠有餘棄江中為魚今名吳王鱠餘者長數寸又魏武四時食制曰望魚側如刀可以割草出豫章白髮魚戴髮形如婦人白肥無鱗出滇池又郭延生述証記曰城陽縣南堯母慶都墓廟前一池魚頭間有印文謂之印頰魚非告祠者捕不

得又臨海異物志云鰻魚如指長七八寸但有脊骨

曝作燭極有光明又比目魚一名鰈音櫛一名鱗沈懷

遠南越志謂之板魚亦曰左介介亦作鮓吳都賦云

雙則比目片則土餘異物志南方鏡魚圓如鏡也又

異苑云鮠音陷魚凡諸魚欲產鮠魚輒以頭衝其腹世

謂衆魚之生母又臨海水土異物志鹿魚頭上有兩

角如鹿又云鯨音蒸魚腹背有刺如三角菱又神異

經黃公魚長七八尺狀如醴魚以烏梅二七煮之即

熟食之無鯁



魚種

南海諸郡人至八九月於池塘間采魚子著草上懸於竈煙上至二月春雷發時却收草浸于池塘間旬日內如蝦蟇子狀鬻于市號魚種育池塘間一年內可供口腹也愚按陶朱公養魚經曰朱公謂威王治生之法有五水畜第一水畜魚也又拂林國有羊羔生于土中然其臍與地連割之則死惟人著甲走馬擊鼓駭之其羔驚鳴而臍絕便逐草矣博物志云取鱉挫如棋池澤間經鳩赤莧汁和令厚以茅包之六

月中投於池內即成鱉也

水母

水母一名蚌一名石鏡南人治而食之云性熱偏瘵河魚疾也

蚊母扇

端新州有鳥類青鯢而嘴大常在池塘間捕魚而食每作一聲則有蚊子羣出其口按小雅曰顛鳥似鳥而大廣志云蚊母此鳥吐出蚊也土人云其翅堪為扇惟辟蚊子與陳藏器說同又云塞北有蚤母草嶺



南蛮母木南越志云古度树一呼那子南人號曰拖

日亞不華而實實從木皮中出如綴珠璫其實大如

反櫻桃黃即可食過則實中化蛾飛出亦有為蚊子者

### 鵝毛被

鵝毛被邕之南有酋豪多熟鵝毛為被如稻畦衲之其温軟不下綿絮也

### 紅蝦盃

紅蝦出潮州潘州南邑縣大者長二尺土人多理為盃王子年拾遺云大蝦長一尺鬚可為簪洞冥記載

鬚杖兼名死云廣州獻蝦頭盃簡文將盛酒無故自躍乃不復用愚又按毛詩義具大者有一尺六七寸今九真交趾以為盃盤寶奇物也

### 鷄毛筆

番禺諸郡多以青羊毫為筆韶州擇鷄毛為筆亦有圓如錐方如鑿可抄寫細字者昔溪源有鴨毛筆以山鷄毛雀雉毛間之五色可愛筆有豐狐之毫

博物子云漢未虎僕之毛 博物似豹 蚶蛉鼠毛 廣志可 鼠鬚 均州

殺癩羊毛 邛州取 麝毛 狸毛 鄭慶云 鹿毛 馬毛 羊鬚



陶隱居燒丹封胎髮姬玄以小兒髮為筆柱龍筋拾  
鼎際用羊鬚筆鄭慶云蕭祭酒常用之  
記為之然未若兔毫

雞卵卜

邕州之南有善行術者取雞卵墨畫祝而煮之剖為  
二片以驗其黃然後決嫌疑定禍福言如響答據此  
乃古法也神仙傳曰人有病就茅君請福煮雞子十  
枚以內帳中須臾茅君擲出中無黃者病多愈有黃  
者不愈常以此為候愚又見卜者流雜書傳虎卜紫  
姑卜牛蹄卜灼骨卜鳥卜雖不法於著龜亦有可稱

者

鷄骨卜

南方逐除夜及將發船皆殺鷄擇骨為卜傳古法也  
卜占即以肉祠船神呼為孟公孟姥其來尚矣按梁  
簡文船神記云船神名馮耳五行書云下船三拜三  
呼其名除百忌又呼為孟公孟姥劉思真云玄冥為  
水官死為水神冥孟聲相似又云孟公父名憤母名  
衣孟姥父名板母云履或云冥父冥姥因玄冥也

象鼻炙



廣之屬城循州雷州皆產黑象牙小而紅土人捕之  
爭食其鼻云肥脆偏堪為炙愚按象有十二肉陳藏  
器云惟鼻是其本肉諸卽雜肉梁翔法師云象一名  
伽那古訓云象孕子五歲始生

鵝毛艇

恩州出鵝毛艇乃鹽藏其味絕美其細如針郭義恭  
云小魚一斤千頭未之過也

枕椰炙

枕椰莖葉與波斯棗古散古散堪為拄杖椰子櫛榔小異其

木如莎樹皮釀木皮出麪可食洛陽伽藍記云昭儀  
寺有酒樹麪木得非枕椰乎其心為炙滋腴極美

紅鹽

恩州有鹽場色如絳雪驗之卽由煎時染成差可愛  
也鄭公虔云琴湖池桃花鹽色如桃花隨月盈縮在  
張掖西北按鹽有赤鹽紫鹽黑鹽青鹽黃鹽亦有如  
虎如印如繖如石如水晶狀者

米麩

廣州南當米麩合生熟粉為之白薄而軟按劉孝威



謝官賜交州米麩四百屈詳其言屈豈今之數乎且

前朝短書雜說有呼食為頭

晉元帝謝賜功德淨饌一頭又謝齋功德食一

頭又劉孝威謝賜果食一頭

以魚為卦

梁科律生魚若干斗

茗為薄為夾

溫貢

茗二百尺薄又梁科律薄茗千夾云云

筆為雙為床為枝

搜神記益州西神祠祈禱

者持一雙筆南朝呼筆四管為一床梁簡文帝答書云乍置筆床又云寫書筆一枝一萬字

墨為

螺為丸為枚

陸云以兄送墨二螺梁科律御墨一量十二丸蔡質漢官儀曰尚書令僕丞郎

月賜喻麋大墨一枚小墨一枚紙為番錦為兩

王佐云錦二兩

衣為裁

陸倕謝安

賊王楚越衣二裁沈約有謝葛衫裁也

袈裟為緣

簡文帝云蒙惠袈裟一緣

奴為頭

簡文帝書言安城王餉胡子一頭

麝為子蠟為麩

麝香如千子蠟如千麩齊建武四年

事

檳榔為口胡桃為子

陸倕謝安成王賜檳榔一千口并胡桃一千子

其事

不可備論

睡菜

睡菜五六月生田塘中葉類茨菰根如藕梢土人採根為鹽菹或云食之好睡郭子橫云五味草食之不使人睡亦名却睡草

水韭

水韭生於池塘中葉似韭得非龍爪韭乎字林云簽

音嚴水中野韭也又吟音吟見字林似蒜生水中



薤菜

薤菜葉如柳三月生陳藏器云主解胡蔓草毒胡蔓

卽野葛也愚按廣之菜有掉

辛葉也

東風

味如酪香氣似馬蘭蕊

音戢蜀人所謂薤者

芍音晶莧茨苗也

之類無足奇者吳志孫皓時有

賈

音賈菜晉安帝義熙二年有苦賈菜生揚州國初建

達國獻佛土菜泥婆國獻波稜菜

斑皮竹筍

湘源縣十二月食斑皮竹筍諸筍無以及之吳錄云

馬援至荔浦見冬筍名曰苞筍博物志曰斑皮竹堯

女以涕揮竹竹盡斑也爾雅曰筍竹之萌說文曰筍

竹胎詩疏義筍皆四月生巴竹筍生八月晉竹筍

冬夏生未嘉記舍墮竹筍六月生愚按山海經竹生

花其年便枯六十年一易根必結實而枯死實落土

復生六年還成町也竹譜曰筍必六十年復亦六年

是也南中有以竹爲刀錯子者如少鈍復以漿水洗

之如初廣州記云石林竹勁利削爲刀切截象皮如

截草也愚聞貞元五年番禺有海戶犯鹽禁避罪羅

浮山入至第十三嶺遇巨竹百丈萬竿竹圍二十一



尺有三十九節節長二丈海戶因破之爲篋會罷吏  
捕逐遂挈而歸時有軍人獲一篋以爲奇貨後獻于  
刺史李復復命陸子羽圖而記之許氏說文有長節  
竹謂之筵音鍾得非羅浮山龍鍾之義乎

### 無核荔枝

南方果之美者有荔枝梧州火山者夏初先熟而味  
少劣其高潘者最佳五六月方熟有無核類鷄卵大  
者其筋瑩白不滅水晶性熱液甘乃奇實也

### 變柑

新州出變柑有苞大於升者且皮薄如洞庭之橘餘  
柑之所弗及傳云移植不百里形味俱變因以爲名  
亦如踰淮爲枳乃水土異也

### 橄欖子

八九月熟其大如棗廣志云有大如鷄子者有野生  
者高不可梯但刻其根方數寸許入鹽於中子皆落  
矣今高涼有銀坑橄欖子細長味美於諸郡產者其  
價亦貴陳藏器云其木主鯁魚毒此木作檝撥著鯁  
魚皆浮出



山橋子

冬熟有大如土瓜者次如彈丸者皮薄下氣普寧多有之

山胡桃

山胡桃皮厚底平狀如檳榔

白楊梅

楊梅葉如龍眼樹冬青一名枕音求潘州有白色者甜而絕大

偏核桃

占卑國出偏核桃形如半月狀波斯人取食之絕香

美

紅梅

嶺南之梅小於江左居人采之雜以朱槿花和鹽曝之梅為槿花所染其色可愛又有選大梅列鏤瓶罐

結帶之類取棹汁漬之

棹木葉汁

亦甚其脆

五色藤筵蹄

瓊州出五色藤合子書囊之類細于錦綺亦藤工之妙手也新州作五色藤筵臺皆一時之精絕者梁劉



孝儀謝太子五色藤筌蹄一枚云炎州采藤麗窮綺  
褥得非筌臺與蹄語訛歟

香皮紙

羅州多笈香樹身如柜柳皮堪搗紙土人號為香皮

紙

抱木屨

抱木產水中葉細如檜其身堅類栢惟根軟不勝刀

鋸今潮州新州多剗之為屨

紅藤筭

瓊州出紅筭一呼為筌或謂之蘧藤亦謂之行唐其  
色殷紅瑩而不垢

方竹杖

澄州產方竹體如削成勁挺堪為杖亦不讓張騫筍

竹杖也其隔州亦出大者數丈又海晏地名出蘆堪為

拄杖高潘州出千歲蕨柱杖之類具多更有踈節竹

五六尺一節

僧道多以為杖又按王最云溱州通竹直上

無節空心也

山花膜脂



山花叢生端州山崦間多有之其葉類藍其花似蓼  
正月開花土人採含苞者賣之用爲臙脂粉或時染  
帛其紅不下紅藍又鄭公虔云石榴花堪作臙脂

### 鶴子草

鶴子草蔓花也當夏開南人云是媚草甚神可比懷  
子夢芝采之曝乾以代面靨形如飛鶴狀翅羽滿距  
無不畢備亦草之奇者草蔓延春生雙蟲常食其葉  
土人收於奩粉間餉之如養蠶諸蟲老不食而蛻爲  
蝶女子佩之如細鳥皮號爲細蝶郭子橫記勒畢獻

細鳥以方尺玉籠盛數百形大如蠅狀如鸚鵡聲聞  
數百里間如黃鵠也國人以此爲候日峇亦曰候日  
蟲帝得之旬日飛盡明年有細鳥集於帷帟或襲人  
衣袖因名禪衣宮內嬪御有鳥集其衣者輒蒙愛幸  
至武帝末稍稍自死人服其皮者多爲丈夫所媚余  
訪花子事如面光眉翠月黃星靨其來尚矣然事有  
相類者見拾遺引孫和悅鄧夫人嘗置膝上和月下  
舞水晶如意誤傷夫人頰流血染袴和自舐瘡太醫  
曰獺髓雜玉及琥珀屑當滅痕和乃作膏琥珀太多



痕未滅而頰有赤點細視之更益其妍諸嬖要寵者以丹青點頰而後進幸一說上官昭容自製花子以掩黯處

### 越王竹

嚴州產越王竹根於石上狀若荻枝高尺餘土人用代酒籌次有沙筋產于海島聞其心若骨可爲籌筋凡欲采者須輕步從之不爾聞人行聲則縮入沙中不可取陳藏器云越王餘算味鹹生南海長尺許

### 無名花

廣州之南數百里有蔓草生吐一葉白花片大如掌初夏開徧問土人莫有知者

### 指甲花

花細白絕芳香番人重之未詳其名又卽恙苺花白

### 茉莉花

紅者不香

皆波斯移植夏中如金錢花也本出外

國大同二年始來中土又扶南傳曰頓遜國有區撥花葉逆花致祭花摩夷花唐初蜀賓國獻俱佛頭花伽失不國獻泥樓鉢羅花皆中國所無者

### 相思子



相思子有蔓生者與龍腦相宜能令香不耗于寶搜  
神記云大夫韓馮妻美宋康王奪之馮自殺妻自投  
臺下死王怒令冢相望宿昔有文梓木生二冢之端  
根交于下枝錯其上宋王哀之因號其木曰相思樹

睡蓮

睡蓮葉如荇而大沉於水面其花布葉數重凡五種  
色當夏晝開夜縮入水底晝復出也與夢草晝入地  
夜卽復出一何昔哉

湖山勝槩

元 泗水潛夫

湖山勝槩

南山路

自豐樂樓南至暗門錢湖門外入赤山烟霞石屋  
止南高峰方家峪大小麥嶺並附于此

豐樂樓

舊爲衆樂亭又改聳翠樓政和中改今名淳祐間  
趙京尹與憲重建宏麗爲湖山冠又甃月池立秋  
千梭門植花木構數亭春時遊人繁盛舊爲酒肆



後以學館致爭但為朝紳同年會拜鄉會之地  
湖堂

舊在聳翠樓側又有集賢亭今並不存

呂洞賓祠

舊傳洞賓嘗至此

靈芝崇福寺

錢王故苑以芝生其間捨以為寺故名靈芝高宗  
孝宗嘗到凡四臨幸有浮碧軒依光堂亦為新進  
士會拜題名之所

顯應觀

祀磁州神崔府君六月六日生朝遊人甚盛咸淳  
間改昭應今歸靈芝寺舊有蕭照山水及蘇漢臣  
畫壁今不復存矣

楊郡王府上船亭

聚景園

詳見御園門

靈應堂

俗呼包道堂

寶蓮院

紫霄宮廨院

寶成院

舊名釋伽

興福院

永隆院

慧光尼菴

張循王府

省馬院船步

內有正覺超化二院



長橋

妙淨院

寶德寺

楊和王重建克三衙建聖節道場

希夷道堂

劉蓑衣建于南屏園左今移于此

真珠園

有真珠泉高寒堂杏堂水心亭御港曾經臨幸今

歸張循王府

南園

中興後所翔光宗朝賜平原郡王韓侂胄陸放翁  
爲記後復歸御前改名慶樂賜嗣榮王與芮又改  
勝景有許閒堂和容射廳寒碧臺藏春門凌風閣  
西湖洞天歸耕莊清芳堂歲寒堂夾芳豁望矜春  
鮮霞忘機照香堆錦遠塵幽翠紅香多稼晚節香  
等亭秀石爲山內作十樣錦亭并射圃流杯等處  
弁陽翁詩云清芳堂下千株桂猶是韓家舊賜園  
白髮老翁和淚說百年中見兩平原又云舊事淒  
涼尚可尋斷碑空卧草深人凌風閣下槎牙樹當



日人疑是水沉

雷峰顯嚴院

郡人雷氏所居故名雷峰錢王妃建寺築塔名王妃塔或云地產黃皮遂譌為黃皮塔山頂有通玄亭望湖樓

普寧寺

又名白蓮有鐵塔一石塔二

雲濤觀

淨相院

舊名瑞相有無盡意閣娛客軒一段奇軒幽深可喜今皆不存

上清宮

葛仙鍊丹舊址道士胡瑩微祖築菴鄭丞相清之曾此讀書淳祐中重建賜今額理宗御書清淨道

院

甘園

內侍甘昇園又名湖曲曾經臨幸至今有御愛松望湖亭小蓬萊西湖曲曲後歸趙觀文又歸謝節使弁陽翁詩云小小蓬萊在水中乾淳舊賞有遺踪園林幾換東風主留得庭前御愛松



御船坊

理宗御舟在焉

淨慈報恩光孝禪寺

孝宗常臨幸山曰南屏有慧日峰舊名慧日永明

太宗賜壽寧院額孝宗御書慧日閣有千佛閣五

百羅漢堂理宗御書華嚴法界正徧知閣等額梁

貞明大鐵鍋存焉畫壁作五十三參等寺後菴宇

甚幽大抵規模與靈隱相若故二寺號南北山之

一最東坡詩云卧聞禪老入南山淨掃風塵五百間

一其弘壯自昔已然今益侈大矣

南山昭慶院

惠照寺

後為齋宮今歸淨慈

南屏御園

正對南屏又名翠芳

南屏興教寺

舊名善慶有齊雲亭清曠樓米元章書琴臺及唐

人磨崖八分家人卦中庸樂記篇後人于石傍刊

右司馬溫公書六字其實非也

廣法院

齊王功德院有清曠亭

法因院

景獻太子殯所有古鐵峇錢王井

寶林院

莊文太子殯所舊各總持有可賦軒

赤山殯宮



舊瑞龍寺後為安穆成公慈懿恭淑四后殯所今  
為熾盛光寺

修吉寺

舊瑞龍寺移于此有西湖奇艷

正濟寺

又名普門

法雨寺

舊名水心

安福寺

極樂尼寺

高麗寺

舊名惠因寺湖山間惟此寺無勅額元豐間高麗  
王子僧統義天入貢學賢首教于此因施金建華  
嚴閣有易菴期懺堂皇姑成國公主殯所

玉岑山

惠因橋

秦少游龍井記游所謂濯足于惠因澗即此

廣果寺

開化尼寺

六通慈德院

舊名惠德塔

法興寺

保福院

長耳相院

舊名法相

定光菴

有定無泉

永慶院

延長真如院

延壽山

淨梵院

舊名瑞峰

崇教院

石屋洞



大仁院有石菴天成石羅漢其洞後又一洞名蝠  
蝠洞

水樂洞

院名西關淨化卽滿覺院山孝宗時賜李棗慈明  
殿賜楊郡王後歸賈平章山石竒秀中一洞嵌空  
有聲以此得名有聲在堂界堂愛此留照獨喜玉  
淵激石宜晚上下四方之宇諸亭及金蓮池

滿覺院

舊名圓興今在水樂洞嶺傍

石佛接待菴

烟霞洞

清修院有象鼻石佛手巖石羅漢東坡留題等

歸雲菴

寧宗時水菴清禪師坐禪石窟中聞南峰鐘鳴遂  
大悟今改永興菴

關真人道院

小龍井

井創有  
龍王祠

南高峰塔

榮國寺有白龍祠五顯祠險峻甚於北峯中有墜



石相傳云昔有道者鎮魔于此又有賴川泉

方家峪

自方家峪至冷泉峪慈雲嶺泥路嘉會門外至大

慈山龍山

遇真道院

悟真道院

崇真道院

廣教院號小南屏

褒親崇壽寺

在鳳皇山劉貴妃功德有鳳凰泉瑞應泉松雲亭

觀音洞筆架池偃松交枝檜三門有陳公儲畫龍

甚奇

西蓮瑞相院

黃貴妃功德

地藏尼寺

慈光尼寺

張府功德

廣慈院

舊名廣福

寶藏院

有烏龍井錢武肅廟碑今錢氏五王廟在焉

寧親廣福院

陳淑妃香火院雖小而幽邃可喜

福全尼寺

廣嚴院

舊名妙嚴有徐正節墓

淨教院

蔡貴妃殯所

安福禪院

內侍陳都知香火名小陳寺

水月寺

路口有靈固石

崇教院

舊名薦福有珍珠泉

華津洞



趙冀王府園水石甚奇勝有仙人棋臺

西林法惠院

舊名興慶錢王建有雪齋秦少游記京坡詩

冷水峪

梯子嶺

慈雲嶺

淨明院

郊壇齋宮有易安齋梅巖高孝兩朝御和詩滿塔

樓栢舊有江月菴筇寫亭

龍華寶乘院

本錢王瑞萼園拾建有傅大士塔并栢板門樓猶

存有溫公祠堂題名

天華寺

鏡清禪師道場舊名千春龍冊有頤軒妙因樓化

生池

感業寺

舊名天龍有木觀音像

勝相院

舊名龍興千佛有五丈觀音像二并閣釋迦丈六

金身像



大通院

舊名顯明

天真院

舊名登雲臺有靈化洞

龍華山

有石如龍與兩石龍寺接

下石龍淨勝院

上石龍永壽院

舊名資賢石崖刻仁宗佛牙贊

郊臺

錢王郊臺亦近焉

道林院

舊名普濟

大慈寺

般若院

寶惠院

舊名普濟

錢王墳

文穆忠獻二王墳在此

長慶崇福院

皇叔祖太師和士功德

窑池

一名烏菱池

聖果寺

在包家山

真覺院

舊名奉慶有東坡瑞香花詩

包家山桃花關

桃花甚盛舊有蒸霞二字春日遊人甚多

法雲寺

舊名資崇

大慈山

舊有廣福金書院額

虎跑泉

舊傳性空禪師居此無泉二虎跑地而出東坡詩云虎移泉眼趂行脚龍作浪花拱撫掌

乾溪寨

小楊寺

香巖寺

小麥嶺

飲馬橋前後至龍井止九溪十八澗

道人山

有石洞

飲馬橋

地名放馬場



海山勝槩

旌德顯慶教寺

咸淳甲戌冬改旌德襲慶慈明太后香火方丈有  
軒曰雲扉後山有泉石甚竒曰林泉有清壑凝紫  
靜雲等諸亭

南山禪關 舊名龍井路今  
又改南天竺

仰妃墓 吳越錢  
王妃 梅坡園 楊郡王園  
又名總秀

靈隱觀

寧宗朝張知宮勅御書冲隱菴淳祐中道士范善  
遷重建賜名今額今菴在觀右而觀改仁壽院矣

太清宮

寧宗時朱靈寶守固建楊太后書道德經石幢有  
歲寒軒養性凝神二堂後為賈貴妃功德今改觀

音院

松菴 楊郡  
王府

崇德顯慶院

舊名棲真章棗質夫功德後為永王祈王殯所  
章司徒墓

名得象樞使棗之祖棲真院碑可考



湖山勝景

翁五峰墓

名孟寅  
字賓賜

徐典章墓

名申字幹臣  
號青山翁

强金紫墓

名至字幾聖今石羊虎猶存其子文憲公淵明墓

在西溪鄉諸子亦多附此

陳拾遺墓

唐人歲久莫考名  
字在積慶山下

水壑書堂

金樞密淵號水壑嘗作書堂于此因葬焉積慶永

清二山在後平鼎山在左湖山在前凡錢塘城邑

江湖之勝皆近在几席間乃南北二峰中之最高

一山也有君子天一二泉理宗御書積慶山怡顏

藏書農圃以賜又賜功德寺名曰積慶教忠後不

及建而止

贊寧塔

天聖間  
葬此

靈石山

薛開封墓

名居正  
謚貞顯

崇因報德院

有靈石泉又名歲寒泉甚清高宗常臨幸院與積

慶山後永清院皆薛開府功德此院已廢獨靈石

塔猶存

淨林廣福院

湖山勝景



關府楊慶菴祖墳土人呼爲上楊菴有松關南泉  
芳桂亭

無垢寺

舊名無着乃無著禪師道場舊在石人嶺慶元中  
韓平原以寺爲生墳遂移寺于此嘉定十一年重  
修有雅鷄巖仙人臺清音軒偃松下有茯苓因名  
泉爲茯苓泉後爲演福寺遂廢

崇恩演福教寺

寶祐丁巳重建成淳中改禪寺德祐後復爲教寺

賈貴妃殯所周漢國端孝公主附焉舊山門有妙  
莊嚴域及生清淨心亭真如亭諸天閣羅漢閣

鷄籠山

金鐘峯

褚家坎

漢末褚盛族  
舊有居此者

白蓮院

相傳晉肇法  
師講經于此

風篁嶺

小水樂

福邸  
園

二老亭

後改德威舊在風篁嶺頭東坡辯才往來于此皆  
有詩今移于龍井祠下

龍井



吳赤烏中葛稚川嘗鍊丹于此在風篁嶺上巖壑  
林樾幽古石竇一泓清澈翠寒甘美可愛雖久旱  
不涸石上流水處其色如丹遊者視久水輒溢人  
去即減其深不可測相傳與江海通有龍居之每  
禱雨必應或見小蟹斑魚蜥蜴之類井傍有惠濟

龍王祠

陳寺丞墓

名剛中紹興中以言事與張狀元九成連坐謫知  
虔州安遠縣而卒後葬風篁嶺沙盆塢

胡侯墓

名則知杭州  
廟在墓前

劉菴

孝宗朝劉婉容嬪  
所今歸龍井寺

龍井延恩行慶寺

辯才故地舊名報恩看經院後改壽聖東坡書額  
猶存又改廣福元祐以來諸賢留題甚多及東坡  
竹石廉宣仲枯木寺前有過溪橋又名歸隱橋又  
名二老橋寺有方圓菴寂照閣清獻趙公閒堂訥  
齋潮音堂滌心沼鏡清堂冲泉薩埵石辯才清獻  
東坡三賢祠辯才塔諸天閣山有獅子峰

葉苔硯墓

元索字唐  
卿詩人

五雲山

中有真際院嶺上  
有天井大旱不竭



九溪十八澗

大麥嶺

法空寺 舊名資慶

南資聖院 漢王墳

花家山

盧園 內侍盧允昇園景物奇秀西湖十景所謂花港觀魚即此也

淨安院 內侍董宋臣香火

崇真宮 昔為女冠今為永淨尼寺

茆家步

獨角門

淨嚴廣報院 內侍董永仲功德

隆興菴 楊寺解院

黃泥嶺

水陸菴 楊寺解院後名慶安院

妙心寺

水竹塢

西湖三堤路

蘓公堤自南新路直至北新路口小新堤自麴院

至馬蝗橋

蘓公堤

元和中東坡守杭日所築起南迄北橫截湖面夾

道雜植花柳中為六橋九亭坡詩云六橋橫絕天

漢上北山始與南屏遙忽驚二十五萬丈老葑席

卷蒼煙空後守林希傍之曰蘓公堤



第一橋 港通赤山教場名映波

旌德觀

元係定香寺舊址寶慶間京尹袁韶改建為觀有西湖道院虛舟雲錦二亭今復為定香寺

先賢堂

名仰高祠許由已下共四十人刻石作贊具載事

迹

第二橋 通赤山麥嶺路名鎖瀾

湖山堂 旁有水閣尤宏麗

三賢堂

祠白樂天林和靖蘓東坡

第三橋 通花家山港名望山

第四橋 通茆家步港名壓堤北新路第三橋

施水菴 名圓通有石臺籠燈以照夜船

雪江書堂 胡賢良侏所居

新水仙王廟 龍王祠與葛嶺者為二

崇真道院 賈平章建後有閣今改為僧寺

松窻 張濡別墅

第五橋 通鞠院港名東浦北新路第二橋

第六橋 通耿家步港名跨虹北新路第一橋

小新堤

淳祐中趙京尹與憲自北新路第二橋至麴院築



堤以通靈竺之路中作四面堂三亭夾岸花柳北  
蘓堤或名趙公堤

履泰將軍廟

有天澤井葛仙翁所植虬松將軍錢塘人姓孫名  
顯忠任吳越時嘉熙中趙與權尹京禱雨有驗奏  
聞因勅封天澤侯

楊園

楊和王府

永寧崇福院

又名小隱寺元係內侍陳源適安園近世所歌菊

花新曲破之事正係此處獻重華宮為小隱園孝

宗撥賜張貴妃寺前有澗曰雙峯又曰金沙

裴園

裴禧園誠齋詩云岸岸園亭傍水濱裴園飛入水

心橫傍人莫問遊何處只揀荷花开處行

喬園

喬幼聞園

史園

史屏右徽孫

資國園

舊名報國有東坡書隱秀齋趙令時德麟跋語

淳固先生墓

斌姓宋號庸齋師晦菴先生

馬蝗橋

湖山券



孤山路

西陵橋

又名西林橋又名西泠橋又名西村

孤山

舊有栢堂竹閣四照閣巢居閣林處士廬今皆不存

四聖延祥觀

有韋太后沉香四聖像小蓬萊閣瀛嶼堂金沙井

六一泉餘見御園類

西太乙宮

舊四聖觀園理宗朝建今黃庭殿乃昔涼堂也兩

壁蕭照畫尚存亭館名並見御園類有和靖墓瑪

瑤坡陳朝栢

四面堂

處士橋

以和靖得名

涵碧橋

高菊礶墓

名九萬葬孤山後談家山

斷橋

又名段家橋萬柳如雲望如裙帶白樂天詩云誰

開湖寺西南路草綠裙腰一道斜

北山路

自豐樂樓北沿湖至錢塘門外入九曲路至德勝

橋南印道堂小溜水橋黃山橋掃帚塢鮑家田青



芝塢玉泉駝巘棲霞嶺東山衙霍山昭慶教場水磨頭葛嶺九里松靈隱寺石人嶺西溪路止三天竺附

竺附

柳洲

龍王廟

名會靈所謂柳洲五龍王也

惠明院

舊名資福今呼柳州寺其地舊為通元菴

上船亭

養魚莊

楊郡王廟

環碧園

楊郡王府堂扁皆御書

迎光樓

王廟

劉氏園

內侍劉公江所居

一清堂

後改玉蓮競渡爭標於北

菩提院

舊名惠嚴與昭慶寺相連有靈感大悲像閣綠野

白蓮堂碧軒四觀軒南漪池熏澄心涵碧玉壺

瑜今廢

玉壺御園

楊和王水閣

賈府上船亭

錢塘門上船亭

秀邸新園

謝府園

有一碧萬頃堂

隱秀園

劉郵王府

先得樓

即古望湖樓

釋勝園

秀邸有御書釋勝愛問二堂

九曲城下

湖山勝蹟



法濟院 舊名觀音院 有明爽二軒

五聖廟 有蘓漢臣畫壁

妙因院 元係慈光菴

寶嚴院

真覺尼院 元係隱靜菴

錢氏園 華亭錢府

新嶽廟

東湖道院

關王廟 舊滿路種桃 號半道紅

古北關

楊府廨宇 楊郡王府 今捨為寺

玉虛觀

崇果院 德勝橋南 舊名羅漢

印道堂

趙郭園

羅漢院

史府 今為慧日寺

水丘園

西隱精舍

豐樂院

鐵佛寺

梅岡御院

張氏園

王氏園

小溜水橋

精進院 齋宮舊名精脩

廷壽院

澄寂院 桃花

黃山橋

掃帚塢

萬花小隱 謝府園

常清宮 沂王功德

聚秀園 楊府

鮑家田

秀野園 謝府

南禪資福尼寺

胡山券



極樂尼寺

思故塔

屠虛聖昭廟

廣慧侯

資壽院

元係大聖菴

明覺院

舊名報先有虛心軒

永菴

開府

萬安院

舊名清化永安

慈聖院

舊名慈雲潘李二貴妃殯所有聖水池大旱不涸

羅寺

妙智院

舊名報國觀音

玉泉淨空院

泉色清澈蓄大金魚有龍王祠

西觀音山

青芝塢

愍忠資福普向院

楊和王建專克殿前諸軍功德及為諸軍處所

上關寺

內侍關少師功德名崇先顯慶

竹所

杜北山墓

汝能字叔謙太后諸孫居麴院能詩有聲

天清宮

女冠

靈峯院

裴氏功德

裴墳

有雙節亭

駝巘嶺

靈耀觀

西峯淨嚴院

感義郡王功德

大明院

圓明崇福禪寺

巖阿有井泉極清冽內侍霍汝弼功德

棲霞嶺

神仙宮

有偃松如龍名御愛松

乾濕水洞

有一寺在側

淨元觀

朔山券卷

三



海山形身

妙明院

東山術

不空院

舊名傳經

永安院

元係吳秦王府香火菴有清芬亭

護國仁王禪寺

後有龍洞龍王祠在焉

西靖宮

女冠

寧國院

廣照院

霍山

長慶院

舊名華嚴菴主張王香火

張王廣惠廟

永慶院

光相塔院

山水甚奇

湧泉

高宗嘗取淪茗

清心院

舊名湧泉

淫池園

呂氏

金輪梵天院

舊名金輪寺後印巾子

寶勝院

舊名應天

金牛護法院

洞明菴

天龍洞

道者闢無門所居

雲洞園

楊和王府有萬景天全方壺雲洞瀟碧天机雲錦

紫翠間濯纓五色雲玉龍玲瓏金粟洞天砌臺等

處花木皆蟠結香片極其華潔盛時凡用園丁四

十餘人監園使臣二名

大昭慶寺

與前菩提寺相連舊名菩提寺有戒壇

策選鋒教場

古柳林



錢塘縣尉司

舊有平湖軒英游閣又有片石周益公字之曰竒  
俊蓋相傳為王子高舊居故也

葛嶺路

水磨頭

石函橋

有水開泄湖  
水入下湖

放生亭

德生堂

理宗  
御書

泳飛亭

理宗  
御書

總宜園

水張太尉後歸趙平  
遠洪今為西太乙宮

大吳園

小吳園

水月園

紹興中賜楊和王孝宗撥賜嗣秀王水月瀛燕堂

玉林堂皆御書

兜率院

葛嶺

葛仙常往來於此  
故得名亦名葛塢

十三間樓相嚴院

舊名十三間樓石佛院東坡守杭日每治事于此

有冠勝軒

大石佛院

舊傳為秦皇纜船石俗名西石頭宜和中僧思淨



清山脈身  
就石鑄成大佛半身或云下通海眼

保叔塔崇壽院

咸平中僧永保脩故得名有應天塔極樂菴落星

石石獅峯又名巾子峯及石屏風在焉碑刻舊有

屏峯院記封山記

寶積山

敷惠廟

多寶院

舊名寶積  
有綠陰堂

嘉澤廟祠

水仙有薦  
菊泉及亭

孫花翁墓

惟信字季蕃隱居湖山秦官自放詩詞尤工趙節

齋葬之劉後村為誌杜清獻為文以祭

普安院

挹秀園

楊駙  
寺

秀野園

劉鄜王有  
四并堂

上智果院

有參寥泉  
東坡題

治平寺

有錦塢  
煙雲閣

壽星院

江湖偉觀

即觀臺舊址盡  
得江湖之勝

寶雲菴

舊名千光玉寺邳王殯所有寶雲菴清軒月窟澄

心閣南隱堂妙思堂雲巢今不復存又有靈泉井

寶雲菴初陽臺亦廢



馮山房集  
三十四  
瑪瑙寶勝院

昔在孤山後改爲四聖觀遂遷于此有中庸子陶  
器墓乃法惠法師智圓自號也有高生閣僕夫泉  
養樂園

賈平章有光淥閣春雨觀瀟然養樂堂嘉生堂生  
意生物之府

玉清宮

有葛仙  
鍊丹井

半春園

史衛  
王府

小隱園

史  
府

集芳御園

後賜賈平章內有假山石洞通出湖濱名曰後樂  
園有蟠翠雪香翠巘倚繡挹露玉蕊清勝已上皆  
高宗御題亦集芳舊物也西湖一曲奇助理宗御  
書賈秋壑遂初容堂度宗御書又有初陽精舍警  
室熙然臺無邊風月見天地心琳琅步歸舟等不

一  
香月鄰

廖瑩中園  
後歸賈相

嘉德永壽教寺

毛娘娘功德有  
翔泳堂芝巖

喜鵲寺



卽禪宗院以鳥窠禪師得名魏婉儀殯所白樂天  
有紫楊花詩

寶嚴院

舊名垂雲

定業院

鳥窠禪師道場有君子泉石甌山環峯堂襲夢軒

虎頭巘

介于寶嚴定業之間

施梅川墓

名苦字仲山吳人能詞精於律呂楊守齋為寺後

樹梅作亭以葬薛梯巖為誌李箕房書周草窻題

蓋

仁壽尼菴

招賢寺

報恩院

舊名報先卽孤山六一泉寺後以其地為延祥觀

遂遷于此德國公主殯所

廣化院

舊名永福自孤山遷于此舊有白公竹閣栢堂水

鑑堂涵暉亭凌雲閣金沙井辟支佛骨塔慧琳塔

白公祠堂

快恬園

趙氏



水竹院落

賈平章園御書閣曰奎文之閣有秋水觀第一春

思剡亭道院

顯明院

舊名典福保清儀王仲堤殯所有鑑空閣綠淨堂

北新路口

棲霞嶺口

古劍關

棲霞嶺下

岳王墓

岳武穆王飛所葬其子雲亦附焉葉靖逸詩云萬

古知心只老天英雄堪恨復堪憐如公少緩須臾

死此虜安能八十年漠漠凝塵空偃月堂堂遺像

在凌烟早知埋骨西湖路悔不賜夷理釣船

褒忠演福院

元係智果觀音院後充岳鄂王香火岳雲所用鐵

鎗猶存

冲虛宮

舊名寧壽菴

耿家步

東山衙口

福壽院

廖葯洲園

小石板口



九里松一寺門

唐刺史袁仁敬守杭日植松於左右各三行門扁  
吳說書高宗嘗欲易之自以不及但金飾其字

駝巘嶺口

石板巷口

麴院巷口

行春橋

小行春橋

忠勇廟

統制張祠

左軍教場

三歲塔院

明真宮

女冠今改爲三藏寺

資德廟

慕容貴妃香火

萬壽院

南山白雲宗建

唐家衞

後澗溪

紫芝道院

道士陳崇真

瑞岡塢

燕脂嶺

以土色得名

普福教寺

崇壽院

崇親資福院

張淑妃香火

天申萬壽圓覺教寺

舊爲了義法師塔院有歸雲堂三昧正受閣並高  
宗御書繫朝臨幸有御座御榻理宗御書清涼覺

地

石獅子路

香林園



湖山脈身

斑衣園韓府

顯慈集慶教寺

閻貴妃香火寺扁殿閣皆理宗御書有月桂亭其

佳金碧為湖山諸寺之冠

靈隱天竺寺門

俗呼二寺門袁居中書白樂天詩一山門作兩山

門兩寺元從一寺分正此也

合澗橋靈竺二山之水會合于此

龍脊橋

武林山

又曰靈隱山又曰靈苑山又曰仙居山上有五峯

曰飛來曰白猿曰嵇留日月桂曰蓮華山前有澗

即武林泉也

呼猿洞

龍泓洞

有蔣之奇篆字前後諸賢題字極多二洞在飛來峯

女兒山一名玉女巖

青林巖

理公巖乃靈隱開山惠理法師在靈鷲寺後

湖山券梁



冷泉

有亭在泉上冷泉二字乃白樂天書亭字乃東坡  
續書詩扁克棟不能悉錄林丹山詩云一泓清可  
浸詩脾冷暖年來只自知流向西湖載歌舞回頭  
不似在山時

温泉

醴泉 二泉在冷泉之上

葛塢

朱墅

候仙亭

壑雷亭

觀風亭

又有虛白見山袁君紫微翠微石橋月桂等亭及  
丹竈隱居許邁思真三堂連巘棧伏龍濺等今皆  
廢

景德靈隱禪寺

相傳靈隱禪寺乃葛仙翁書或云宋之問書景德  
中續加景德二字有百尺彌勒閣蓮峯堂方丈曰  
直指堂千佛殿延賓水閣望海閣理宗御書覺玉  
寶殿妙莊嚴域又有巢雲亭見山堂白雲菴松源  
菴東菴等在山後尤幽寂可喜



北高峯塔

在靈隱寺山後絕頂比南高峯尤高上有五顯祠  
遠近炷香四時不絕

法安院

舊名廣嚴唐韜光禪師築菴于院後有清獻東坡

題名

保寧院

舊名保安  
無量壽

資聖院

舊名大明開  
山咸澤禪師

韜光菴

韜光禪師道場與樂天同時周伯弼有詩前後諸

賢留題甚多舊有僧嘗於此降仙請至釋子蘭以  
下十人凡七士三釋皆唐人能詩者各書一詩語  
皆奇絕曲盡其景今詩尚存壁間

永福寺

隆國黃夫人功德咸淳九年建在靈隱西石筍山  
下

石筍普圓院

天福二年黃氏重脩舊名資嚴山有石如筍高數  
十丈故名石筍寺有超然臺金沙白沙二泉鄴公



菴杭守祖無擇愛此山之勝結菴於此取公所封  
名之方丈左右金漆板扉皆趙清獻諸賢蘓秦陳  
黃留題及文與可竹數枝如張總得父子吳傳朋  
等題字甚多歲久暗澹猶隱隱可見寺極清古幽  
邃爲湖山諸刹之冠後隆國黃夫人以超然臺爲  
葬地遂移此院于山之西而古意不復存矣

天聖靈壽院

僧德賢建

鐵舌菴

隆親永福院

時思薦福寺

吳益王墳寺舊以下竺爲墳寺後以古刹遂別建  
于此高宗嘗臨幸吳太后手書金剛經有楊太后  
跋及高宗御書心經並刻石藏下竺靈山塔下益  
王神道碑蔣燦書甚佳墓前二石馬琢刻如生舊  
傳夜輒馳驟其鞅轡光瑩如玉至今苔蘚不侵寺  
有宜對亭雙珠亭萬玉軒湖山至此極幽邃矣

黃妃墓

錢王妃

卓筆峯

明惠尼院

舊名定惠錢王孫妃香火

石人嶺

海峯菴

湖山勝覽



無着禪師塔

舊有無垢院韓平原以為壽地遷院于靈石山側  
後楊郡王復取為壽地遂啓其塔乃陶龕容色如  
生髮垂至眉指爪皆遶身舍利無數留三日不壞  
竟茶毗之僧肇淮海有詩云一定空山五百年不  
須惆悵啓顏軌路邊多少麒麟塚過眼無人贈紙  
錢今地為永福所有

西溪路

畢宮師墓

畢再遇之父  
子皆葬於此

三天竺

目靈鷲至上  
竺郎當嶺止

陳明大王廟

漢熹平餘杭令陳渾後唐長興中封太平靈衛王  
靈鷲興聖寺

惠理法師卓錫之地吳越王建有靈山海會閣理  
宗御書理公巖滴翠軒九品觀東坡祠東坡題名

隋觀法師塔

下竺開山  
祖師真觀

下天竺靈山教寺

在隋號南天竺五代時號五百羅漢院祥符初號



清山勝景  
靈山寺天禧復名天竺寺紹興改賜天竺時思薦  
福爲吳秦王香火慶元復今額有御書閣藏仁宗  
及中興五朝御書曲水亭前塔跳珠泉枕流亭適  
安亭清暉亭九品觀堂石面靈桃石蓮華水波石  
悟侍者塔並祠草堂西嶺臥龍石石門澗神尼舍  
利塔日觀菴方丈曰佛國山法堂二字乃雲房鍾  
離權書甚奇古金光明三昧堂神御殿瑞光塔普  
賢殿無量壽閣回軒亭七葉堂客兒亭大悲泉重  
榮檜葛仙丹井白少傳烹茶井石梁翻經臺望海

閣香林亭香林洞無根藤闢鷄巖夜講堂登嘯亭  
靈山後塔慈雲懺主榻七寶普賢閣旃檀觀音瑞  
像有記大抵靈竺之勝周回數十里巖壑尤美實  
聚於下天竺寺自飛來峯轉至寺後諸巖洞皆嵌  
空玲瓏瑩滑清潤如此龍瑞鳳如層華吐萼如皴  
殼疊浪穿幽透深不可容貌林木皆自巖骨拔起  
不土而生傳言茲巖韞玉故腴潤若此石間波紋  
水迹不知何時有之其間唐宋遊人題名不可殫  
記覽者顧景輿懷云



吳越孝獻世子墓

文穆王子

楓林塢

永清寺

薛開府居正香火

中天竺天寧萬壽永祚禪寺

隋開皇千歲寶掌和尚開山建寺吳越時名崇壽

院政和中改賜今名有摩利支天像華嚴閣如意

泉

彌陀興福教院

皇子克邠二王殯所

顯親多福院

舊名光福

大明寺

元係興國菴

上天竺靈感觀音院

大福中建名天竺看經院咸平初賜今名淳祐中

賜廣大靈感觀音教寺舊寺額蔡襄書後理宗易

以御書外山門乃蔡京書紹興乾道淳熙皆嘗臨

幸有十六觀堂應真閣超諸有海理宗御書有雲

漢之閣藏累朝所賜御書兩峯堂白雲堂中印堂

清華軒延桂閣秋芳閣伴雲閣前後賜珠冠玉爐

珍玩甚多每水旱朝廷必禱焉外古迹有肅儀亭

梅峯菴琮老橋金佛橋復菴流虹澗夢泉植杖亭

謝履亭凝翠泉觀音泉雲液池孫公亭無竭泉



雙檜峯

白雲峯

乳竇峯

楊梅嶺

郎當嶺





